



**LESAKAKO UDALA.**

**LESAKAKO KONBENTUKO GELA AISIALDIKO ERABILTZEKO ARDURADUNA IZENDATZEKO ETA LAN POLTSA OSATZEKO DEIALDIA.**

**1. Arau orokorrak.**

- 1.1. Xedea: Lesakako Udalak Konbentuko gela umeek erabiltzeko ireki nahi du. Horretaz arduratzeko (arratsaldez ireki eta itxi), gelaren garbiketa egiteko, bertan arauak errespetarazteko eta aisialdiko ekintzak antolatzeko pertsona bat kontratatzea da helburu.
- 1.2. Arduradunak administrazioko D mailako kontratua eta lan sariak izanen du.
- 1.3. Kontratua 2020ko martxoaren 1etik 2020ko maiatzaren 31 arte iraunen du.

**2. Eginbeharrak.**

- 2.1. Konbentuko gela ireki eta itxi (arratsaldeko 16:00etatik gaueko 20:30ak arte), astelehenetik ortziralera.
- 2.2. Haur taldeak dinamizatzea.
- 2.3. Eman dakizkikeen bertzelako lanak.

**3. Izangaien baldintzak.**

Eskaerak aurkezteko epea amaitzen den egunerako honako baldintza hauek bete beharko dira:

- Europako Elkarteko hiritarra izatea
- Hamasei urte beteak izatea.
- Administrazioko D mailako lanpostuetan eskatzen den titulazioa izatea, hau da, Derrigorrezko Bigarren Hezkuntza, edo horren baliokide izan daitekeen bertzelako tituluren bat.
- Euskaraz jakitea, C1 mailaren titulua, EGA edo baliokidea den Hizkuntza Eskola Ofizialeko Gaitasun Agiria aurkeztuz egiaztatua, edo eskatutako hizkuntza eskakizuna duela egiaztatzen duen berariazko probaren bidez, Nafarroako Administrazio Publikoetan euskararen erabilera arautzen duen otsailaren 10eko 29/2003 Foru Dekretuan ezarritakoari jarraituz.
- Eginkizunak betetzeko gaitasun fisiko eta psikiko aski izatea.
- Eginkizun publikoak betetzeko ezgaiturik edo gabeturik ez egotea, eta administrazio publikoaren zerbitzutik baztertua ez egotea.
- Lan gabe egotea, eta lan eskatzaile gisa inskribaturik Nafar Lansare-Nafarroako Enplegu Zerbitzuaren menpeko enplegu agentziaren batean.

**4. Izen emateak eta eskaerak.**

Eskaerak Lesakako Udalaren egoitzan (Plaza Zaharra 1. 31770 Lesaka) aurkeztu behar dira, 2020ko otsailaren 10etik 14ra bitartean, 15:00ak baino lehen.

Hau da aurkeztu beharreko dokumentazioa:

- Eskaera orria (eransten den eredia behar bezala beteta).
- Nortasun agiriaren fotokopia konpultsatua.
- DBHko titulazioa edo baliokidea.



- Baloratzen ahal diren merezimenduak (ikastaroak eta lan esperientzia) egiaztatzen dituzten agiriak.

Eskaerak aurkezteko epea luzaezina da. Onartu eta baztertuen behin-behineko zerrenda 2020ko otsailaren 17an argitaratuko da, udalaren webgunean (www.lesaka.eus). Izangaiek borts egun naturaleko epea izanen dute erreklamazioak egiteko edo dokumentazioa osatzeko. Ondoren behin betiko zerrenda argitaratuko da.

### 5. Epaimahai kalifikatzailea.

Epaimahaia honako hauek osatuko dute:

Mahaiburua: Lesakako Udaleko alkatea.

Ordezkoa: Lesakako udaleko alkateordea.

Mahaikidea: Bortzirietako Oinarrizko Zerbitzuen Mankomunitateko teknikaria.

Ordezko mahaikidea: Bortzirietako Oinarrizko Zerbitzuen Mankomunitateko teknikaria.

Mahaikide-idazkaria: Lesakako Udaleko idazkaria.

Ordezko mahaikide-idazkaria: Berako udaleko idazkaria.

Epaimahaia probak hasi aitzinetik eratuko da eta gehiengoz erabakiko ditu deialdi honen oinarriak ulertu eta aplikatzean sor daitezkeen arazo guztiak.

### 6. Euskara proba.

Euskara maila neurtuko da:

-C1, ahozkoan.

-B2, idatzizkoan.

Proba horiek Euskarabideak langileek egingo dituzte, 2020ko otsailaren 25ean hasita, goizeko 10:00etan.

### 7. Proba praktikoa.

Ahozko proba praktikoa egingen da. Proba horren bidez neurtuko da izangaiek lanposturako duten ezagutza eta gaitasuna. Proba praktikoa lanpostuan gerta daitezkeen egoera baten aitzinean izangaiek proposatzen duten irtenbidea neurtuko da. Probak 10 minutu iraunen du. Izangaiei aitzinetik txandak emanen zaizkie eta ariketa prestatzeko denbora izanen dute. Guztira 70 puntu balio du.

Proba Lesakako Udalan egingen da, 2020ko otsailaren 27an hasita, goizeko 10:00etan.

### 8. Merezimenduen balorazioa.

Atal honetan gehienez ere 30 puntu lortu ahalko dira. Aurkezten diren merezimenduak baloratu ahal izateko agiriak aurkeztu beharko dira.

Honako merezimendu hauek baloratuko dira:

- Formakuntza (gehienez ere 15 puntu):
  - Irakaskuntzan, Pedagogian nahiz Kale Heziketan unibertsitateko titulazioa, erdi nahiz goi mailakoa, izatea edo aisialdi eskola batek egiaztatutako begirale titulua izatea: gehienez ere 8 puntu.





**LESAKAKO UDALA (NAFARROA)**  
**AYUNTAMIENTO DE LESAKA (NAVARRA)**

- Haurren aisialdiarekin zerikusia duten ikastaro, tailer, jardunaldi eta antzekoetan parte hartu izatea: gehienez ere 7 puntu. Horrelakoak egin izana egiaztatzen duen ziurtagiria aurkeztu beharko da, eta bertan garbi jaso behar da horien iraupena ordu kopuruaren arabera. Puntuak emateko oinarri gisa hartuko da 10 orduko ikastaroa, eta horietako bakoitzagatik 1 puntu emanen da; ikastaroak gehiago edo gutxiago iraun badu, puntuak proportzioan kalkulatu dira.
- Lan esperientzia, lanpostuarekin zerikusia duena (gehienez ere 15 puntu): hori egiaztatzeko enpresa edo elkartearen ziurtagiria edo lan kontratua aurkeztu beharko da; betiere, aurkezten diren dokumentuetan argi eta garbi adierazi beharko da lanean emandako denbora (kontratuaren hasiera eta bukaera egunak, eta lanean emandako ordu kopurua), eta zehazki zein lanetan aritu den. Lan honetan emandako 60 orduko puntu 5 zenbatuko da.

**9. Emaitzak.**

Lehiaketaldiaren emaitzak argitara emanen dira oposizioaldia hasi baino lehen.

Emaitza orokorrak 2020ko otsailaren 28an, emanen dira argitara, udalaren webgunearen bitartez.

**10. Datuen babesa.**

Eskatzaileen datuak abenduaren 5eko 3/2018 Lege Organikoan ezarritakoaren arabera babestuko dira. Datuak Lesakako Udalaren lan poltsaren fitxategietan sartuko dira. Norbere datuak ikustea, zuzentzea eta ezereztea eska daiteke baita tratamenduari aurka egitea ere. Horretarako, eskaera bat bidali behar da, idatziz, helbide honetara: Lesakako Udala, Plaza Zaharra,1, 31770 Lesaka (Nafarroa) / udala@lesaka.eus.

**11. Helegiteak.**

Deialdi honen edo aplikazio egintzen aurka helegite hauetakoren bat paratzen ahal da, aukeran:

- Administrazioarekiko helegitea, Nafarroako Auzitegi Nagusian dagokion sailaren aitzinean, argitara eman eta biharamunetik hasi eta bi hilabeteko epearen barrenean.
- Horren aurretik, eta hala nahi bada, gora jotzeko helegitea, Nafarroako Administrazio Auzitegian, argitaratzen denetik hasi eta hilabeteko epearen barrenean.
- Berraztertzeko helegitea, erabakia hartu duen organo berari zuzendua, hilabeteko epearen barnean, jakinarazpen hau hartu eta biharamunetik kontaktzen hasita.

Lesakan, 2020ko urtarrilaren 5ean  
Alkatea, Ladis Satrustegui Alzugaray.




1888

Die ...  
...  
...

...

...

...



...